

中國地方志集成

河北府縣志輯 ③①

光緒保定府志
(二)

上海書店 ● 巴蜀書社 ● 江蘇古籍出版社

保定府志卷三十九

前事錄一 紀事

紀事

周

景王十年魯昭公七年齊侯次於號燕人行成二月戊午盟於濡上

按濡上今安州地

景王十五年魯昭公十二年齊高偃納北燕伯款於唐同

按唐故城在唐縣東北

景王十六年魯昭公十三年晉侵鮮虞及中人大獲而歸同

按中人在唐縣西南

安王二十二年齊伐燕取桑邱史記

保定府志 卷三十九 前事錄 紀事

按桑邱在安肅縣西南

安王二十六年趙伐中山戰於中人同

烈王五年齊襲燕取桑邱同

顯王二十一年魏殷臣趙公孫哀伐燕還取夏屋城曲逆竹書紀年

按夏屋在完縣

赧王九年趙伐中山攻取丹邱華陽鳴之塞史記

按鳴即今鴻城在唐縣西北

赧王五十年齊田單拔燕中陽同

按中陽即中人在唐縣西南

燕王喜八年趙與燕易土趙以龍兌汾門臨樂與燕燕以葛城

武陽與趙同

按汾門亦曰分水門在安肅縣西

始皇四年趙拔燕武遂方城同

秦

始皇七年將軍鰲死以攻龍孤慶都史記

按括地志定州恆陽縣有白龍山又有扶龍山唐縣東北有孤山慶都邑名慶都即今望都

始皇二十年燕太子丹使荆軻刺秦王同

二世元年趙王武臣使韓廣狗燕地范陽令徐公用蒯通策以

城降同

後漢

建武十五年二月遣吳漢等徙吏民置常山關後漢書

按常山關即今倒馬關在唐縣西北

晉

太和元年秦苻堅滅燕追慕容暉於灌城載

保定府志 卷三十九 前事錄 紀事

按灌城在唐縣西四十里

建興二年石勒襲王浚於薊過易水劉琨率兵禦之隔河相拒

晉

建興四年石勒以李回為高陽太守回旋居易京同

按居易京在雄縣北

咸康六年慕容皝伐後趙自薊城進破武遂

按武遂津在安肅縣西

後趙石勒遣將攻高陽降者數萬

燕慕容皝率騎二萬入高陽焚燒積聚掠徙三萬餘戶

前秦苻堅遣將郭慶執慕容暉於高陽降之俱同

後燕慕容寶遣其左衛將軍慕容泓冠博陵殺高陽令長抄掠

租運通鑑

魏道武帝南伐高陽太守崔宏東走海濱

隆安元年慕容寶棄中山奔龍城魏遣將長孫肥等追寶至范陽不及破其新城戍而還

按新城故城在安肅縣西南

隆安二年魏主珪發卒萬人治直道自望都鑿恆嶺至代五百餘里

魏主珪至望都堯山徙山東六州吏民以實代俱同

北魏

明元帝遣其驍騎將軍延普擊燕將康傳官斌於濡水斬之至濡水燕石城太守李崇等十郡來降燕數萬人出戰魏昌黎公邱擊破之大武帝入中山頒賜從官文武各有差高陽民不從官命討平之徙其餘燼於北地通鑑

保定府志

卷三十九

前事錄 紀事

三

延興元年九月高陽民封辨自號齊王聚黨千餘人州軍討滅之同上

太和十八年冬十月辛亥車駕發平城壬戌次於中山之唐湖

魏書

按唐湖在唐縣南今湮

孝昌二年五原降戶鮮于修禮叛於定州之左城同上

七月常景敗杜洛周於范陽同上

按左城即左人城在唐縣西

隋

大業九年冬十二月唐縣妖人宋子賢舉兵襲乘輿事泄伏誅

並坐其黨與千餘家通鑑

皇泰元年夏王寶建德取深冀易定等州與高開道各遣使招

羅藝藝遂率漁陽上谷奉表降唐同上

唐

武德四年高開道叛自稱燕王與突厥劉黑闥相結幽易間咸被其患同上

武德五年劉黑闥遣其弟十善等擊唐幽州總管李藝於鼓城

既而戰於徐河十善等大敗同上

桑顯和擊劉黑闥於晏城破之同上

武德六年高開道自易州南掠赤岸鎮同上

按九域志唐縣有赤岸二鎮

貞觀十五年太宗征遼回駐蹕作百樓城息兵易州司馬陳天

壽令民地室蓄火種蔬以進上惡其詔免官定興縣志

寶應二年官軍追史朝義及於歸義朝義敗走唐書

保定府志

卷三十九

前事錄 紀事

四

建中四年李晟與易定兵圍朱滔將鄭景於清苑累月不下朱

滔自魏州馳救晟敗退保易州同上

五代

梁乾化二年晉將周德威攻燕遣裨將李存暉等攻瓦橋關通鑑

龍德二年通鑑春正月晉王率鐵騎五千來攻先進新城北

契丹

開運二年正月契丹陷泰州三月庚戌馬全節克泰州甲寅杜

威克滿城乙卯克遂城庚申杜威及契丹戰於陽城敗之追奔

至於衛村又敗之五代史

按陽城及衛村俱在府城西南

六月趙延壽奏晉兵襲高陽戍將擊走之遼史

開運三年李守貞奏大軍至望都縣相次至長城遇冠敗之通鑑

按長城口在
安肅東北

周世宗顯德六年周主自將伐契丹克瓦橋關置雄州命陳思讓戍之通鑑綱目

宋

開寶三年契丹入宋定州宋將田欽祚禦之戰於滿城虜騎少却乘勝至遂城虜圍之數日欽祚突圍出其兵至保塞軍中不亡一矢續通鑑綱目

太平興國四年郭進大破契丹於關南宋史

太平興國五年冬十月契丹寇瓦橋關十一月帝自將禦之契丹軍退乃還續通鑑綱目

太平興國七年遼乾亨四年

景宗自將南伐至滿城戰不利守大尉奚中流矢死五月班師遼史

保定府志

卷三十九 前事錄 紀事

五

雍熙三年三月曹彬遣先鋒將李繼隆破契丹兵取固安新城二縣虜兵復集米信獨以麾下三百人接戰會彬遣兵至遂敗

契丹於新城東北續通鑑綱目

冬十二月契丹隆緒入寇誘執知雄州賀令圖同上

端拱元年十一月契丹進攻長城士卒潰圍南走因攻滿城陷

之上

端拱二年遼統和七年契丹攻威虜軍爲宋尹繼倫李繼隆敗於唐

徐河間殺契丹相皮室俘獲甚眾自是契丹不復大入契丹國志

至道元年契丹寇雄州何承矩禦之宋史

咸平二年契丹攻遂城守將楊延昭登陴固守契丹引去同上

咸平三年契丹入犯高陽關都部署康保裔選精銳赴之戰二

日殺傷甚眾兵盡矢絕援不至死之時車駕駐大名聞之震悼

廢朝二日贈侍中同上

咸平四年遼統和十九年冬十月契丹攻宋爲張斌敗於長城口尋又

爲李繼宣敗於山谷契丹國志

咸平六年遼統和二十一年契丹攻宋高陽關周瑩逆戰於望都縣翼

日至縣南六里副部署王繼忠率麾下且戰且行旁西山而北

至白城繼忠爲契丹擒同上

景德元年閏九月契丹主隆緒寇邊遣其統軍蕭撻覽攻威虜

順安軍北平砦保州皆敗又分兵攻瀛州李延渥擊敗之契丹

遂駐兵陽城淀輒引續通鑑綱目

帝自將伐契丹契丹請盟遣曹利用定和議於狄夏頭以白溝

爲界宋史

按狄夏頭在
雄縣東南

保定府志 卷三十九 前事錄 紀事

六

大中祥符三年遼統和二十八年夏六月契丹遣使往宋遣羅宋詔雄

州出粟三萬石賤價賑之契丹國志

景祐四年六月以御制神武秘略賜高陽關等總管鈐轄每得

代更相授之宋史

耶律仁遣人報宋歲增銀絹十萬匹兩稱貢送至白溝遼史

治平二年遼咸雍元年有司奏新城縣民楊從反流其首惡餘釋之

熙寧元年十月詔頒教閱法差陝西河東使臣等往河北教閱

高陽關路三人都總管司無得他使專以新法教習騎軍宋史

元豐二年內出教閱格行立步射執弓發矢運手舉足移步皆

有法凡千餘言高陽等關路義勇保甲皆誦習之同上

宣和四年五月童貫至高陽關進兵擊遼神師道總東路兵趨

白溝辛興宗總西路兵趨范村敗績退保雄州九月遂將郭藥師以涿易來降綱目

冬十月童貫擊遼遣劉延慶郭藥師將兵十萬出雄州以郭藥師為鄉導渡白溝同上

燕王遣大石林牙領一千五百餘騎屯新城契丹志

靖康元年金天會四年八月癸丑宗望發保州是日耶律鐸破宋兵於雄州金史

建炎元年金天會五年九月棟摩敗宋兵於莫州雄州降達蘭克祁州永寧軍保州順安軍皆降同上

紹興三年詔給高陽路內降教閱圖格一本宋史

廣信順安軍歲修禊事界河戰棹為競渡縱北人遊觀潛寓水戰同上

保定府志

卷三十九 前事錄 紀事 七

紹興九年金天眷二年八月達蘭謀反南走追至祁州殺之金史

紹興三十一年金正隆六年二月癸亥帝發中都丙寅次於安肅州同上

隆興二年金大定四年獵於高陽之北免安州今年賦役及保塞縣御城邊吳二村凡扈從人嘗止其家者復一年金史

紹興四年金明昌四年賜有司所舉德行才能之士安州崔秉仁等同進士出身同上

嘉定六年金至寧元年元兵圍安州知州徒單航守城死之同上

嘉定七年紅襖賊周元兒破祁州尋復之同上

嘉定十二年蒙古使將張柔帥兵南下遂克雄易諸州金武仙與戰於滿城敗績綱目

咸清四年至元五年置保定軍器人匠提舉司元史

咸清六年至元七年置保定管民提領所同上

咸清十年至元十一年置保定路打捕提領所同上

德祐元年至元十二年置保定路管匠官同上

至元二十年賜燕南租賦元史

至元二十六年以保定新城固安屯田糧賑其饑貧者

至大四年祁州尙文安肅郝天挺詣闕陳事

延祐二年以保定郭貫為參知政事

至正十五年詔於保定河間有水田處置大兵農司招誘夫丁有事則乘機進討無事則栽植播種

至正二十二年賊新橋張陷安州李羅帖木兒來請援兵俱同上

保定府志

卷三十九 前事錄 紀事 八

洪武元年大將軍徐達常遇春略保定等路舊志

建文元年七月命耿炳文討燕王先鋒九千人駐雄縣燕將張玉襲陷之八月王子燕王夜渡白溝河明史

建文二年夏四月李景隆進兵河間與郭英吳傑平安期會白溝河攻燕王自將禦之大敗於白溝河禮部陳復初死之

建文三年李景隆等與靖難兵戰於白溝河敗績郭英等潰而西李景隆潰而南死者數十萬俱同上

永樂九年築新城張村等口隄命工部主事丁寬董其事新城志

永樂十九年夏四月遣禮部右侍郎郭敦給事中陶衍巡行畿內保定等州縣考察官吏安撫軍民同上

宣德三年秋九月令畿內保定等府州縣牧馬有當賠補者宜寬假俟明年秋成之後補之舊志

宣德四年秋九月令戶部遣官巡視保定等府州縣督民栽種

桑棗同上

宣德六年春三月保定等府州縣民饑流移遣大理寺右少卿

李奎撫之新城縣志

宣德十二年秋七月保定等府蝗災遣都察院右僉都御史張

楷督守令捕之同上

正統元年秋七月令定州衛軍協守唐縣志

正統十四年北部突犯倒馬關軍寨關隘考

景泰元年右僉都御史陸矩請倒馬關等處屯聚軍馬糧儲詔

許之明紀事本末

景泰三年移建倒馬關城屯駐官軍關隘考

初纂保定府志成據志序補

保定府志

卷三十九

前事錄 紀事

九

明舊志序云張才之志三十年而後付梓人若非劉少師吉藏之於家稿固不存矣按志之創莫詳年月郡人劉吉於景泰時充修寰宇通志徵天下志乘天順初改修明一統志故志稿得而藏之後三十年者蓋成化時都憲于琳始刊刻也又按劉吉於宏治初入內閣加少師序云少師者統稱也

天順四年鞋靴入寇命馬宗至倒馬關禦之寇稍引去明史

成化元年兩畿饑遣工部侍郎沈義賑濟保定舊志

昭勇將軍都指揮王信監修倒馬關城唐縣志

成化六年夏四月保定等府民饑流徙遣吏部右侍郎葉盛安撫之新城縣志

成化七年六月保定等府大水遣戶部侍郎原傑賑恤之同上

宏治六年令保定等府州縣人丁免養種馬止照地畝每地五

十畝領兒馬一匹百畝領種馬一匹舊志

宏治十年火篩自大同入寇分遣大臣城居庸紫荆倒馬諸關

口方輿紀要

正德五年十月文安諸生趙燧聚叛西掠保定以兵部侍郎督

兵討平之同上

正德六年流賊齊彥名等率其黨攻定興知縣田大澤禦之攻

安肅及容城舊志

五月流賊劉六等率其黨攻新安三臺堡新安志攻高陽城破之

無一人敢援城者高陽縣志

正德十四年八月帝自將擊宸濠至保定宴於府堂與都御史

伍符爲藏闕戲舊志

嘉靖十八年帝如承天謁顯陵四月還京師駕過慶都從臣請

祀堯母墓同上

嘉靖二十年夏五月遣太僕寺丞王京齋官銀分派保定等府

保定府志

卷三十九

前事錄 紀事

十

州縣買解大馬八月令保定等府建設墩堡新城縣志

嘉靖二十三年十月諸達入寇掠蔚州直抵完縣舊志

嘉靖二十九年遊騎南下高陽大恐時邑令不識兵而城中無

一禦敵具聽僉父議伐樹護城遂藉其郊無何兵退高陽縣志

嘉靖三十三年保定府屬大荒撫院孫瑋請發銀米煮粥賑救

新城縣志

嘉靖四十二年保定府屬有蝗詔免田賦之半同上

隆慶五年通判馮惟敏復輯保定府志成志序

萬曆十年巡撫辛自修巡按敖繼提學朱璉奉旨嚴覈冒濫祀

典勘保定名宦應祀者二人應黜者一人鄉賢應祀者三人應

黜者一人安州志

萬曆二十四年遣中官開礦保定府屬之有山者中使假開採

名索財民不聊生唐縣受害尤甚舊志

萬曆二十九年唐縣知縣楊一桂開廣利渠請發臨清德州二

倉米賑饑唐縣志

萬曆三十四年劫盜蘇守果等白晝羣聚索財殺人高陽知縣

錢春根其巢穴剿平之高陽縣志

萬曆三十五年知府王國楨續修保定府志成序志

天啟六年保定侯梁世勛爲魏忠賢建生祠於府城外吳家灣

橋舊志

崇禎元年命毀魏忠賢生祠改爲十方院同上

崇禎七年唐縣冉姓以邪教惑民知縣宋祖乙捕獲答殺之焚

其書唐縣志

崇禎九年七月

保定府志

卷三十九 前事錄 紀事

十一

大清兵至定興在籍太常少卿鹿善繼教諭熊嘉志死之下安

肅知縣鄭延任與妻同殉節教諭耿三麟亦死舊志

大清兵至新安邑人劉邦重決堤水溢城全復下祁州知州崔

維樺死之同上

大清兵至高陽前大學士孫承宗闔家殉節在籍鄒平知縣魏

克家亦死之破蠡縣知縣王采訓導馮大緯皆死同上

崇禎十一年

大清兵至新安西城自辰至午退至東城自午至酉邑人仇憲

香韓啟文王肇魁仇蕃等禦之新安志

十月初七日

大清兵至慶都知縣黃承宗固守五日城下承宗死之教諭徐

有大使魏允清亦死望都縣志

明總兵王璞縱兵斬首冒功時有兵篋之謠同上

十一月

大清兵至唐縣城下尋解去唐縣志

大清兵破高陽教諭周之瑾典史魯之藩死之高陽縣志

十二月

大清兵分三路深入一由涑水攻易州一由新城攻雄縣一由

定興攻安肅督師侍郎盧象昇由涿州進據保定大戰慶都旋

進至鉅鹿象昇死之舊志

崇禎十四年饑人相食盜賊蜂起所在成羣高陽知縣張京盡

力捕擒盜稍息高陽縣志

崇禎十五年浞賊吳小泉聚眾澤中自號濟貧王保定鎮將剿

滅之同上

保定府志

卷三十九 前事錄 紀事

十二

十一月

大清兵破唐縣知縣孫重順主簿楊聯芳死之唐縣志

崇禎十七年正月吏部侍郎李建泰自請督師勦賊許之建泰

至定興吏民閉城不納建泰攻破之咎其長吏抵保定賊鋒已

逼遂屯城中後降賊舊志

三月闖賊黨萬餘人由河間趨保定高陽當其衝知縣孫繼瑄

預發家屬帶印入浞賊至索印不獲殺之四月偽縣尹王瑞圖

奉賊令逼索鄉紳名曰助餉高陽縣志

十九日賊李自成陷都城遣其將劉方亮攻保定同知邵宗元

郡人張羅彥等率眾拒守二十四日城陷一時殉難者甚眾舊志

闖寇單騎入唐縣城需索騷馬唐縣志

國朝

順治元年五月

大兵逐賊破之於河陽渡定興縣志

大兵過保定安撫居民秋毫無犯舊志

秋西山土寇嘯聚兵備道黃圖安擒斬之羣盜悉平唐縣志

冬東鹿奸民作亂遣都統王賴率兵討平之舊志

十一月遣督御史曹溶考取保定府等儒學廩膳生員每學二

名充貢擢用新城縣志

設正保巡撫駐節真定府通志 皇朝

順治二年定興土寇張克亮等作亂知縣張藩勦平之定興縣志

順治三年二月遣戶部啟心郎介山圖佔保定所屬州縣田地

安置八旗莊頭耕屯冬再續圖明年三圖新城縣志

順治四年二月高陽土賊曹小吾率眾數百人夜攻邑西城知

保定府志 卷三十九 前事錄 紀事 三

縣劉嘉註禦之賊乃退近城莊村居民盡避城內井水為之竭

既而大兵勦滅之高陽縣志

順治六年六月高陽土賊李小洲等復猖獗攻邑東西兩門東

門急知縣祖大成登城樓禦賊被礮震死城守嚴密賊不能攻

既而大兵至勦滅之同上

順治七年秋蠡縣等處土寇作亂遣滿洲官邸赫等領兵五百

駐防保定府分城南面為營房圍近城民地屯種舊志

順治八年斬害民投充莊頭常繼思等於保定被害者爭啖其

肉同上

九月退還清苑縣投充莊頭常繼思等私佔民莊十八村地共

四百八十頃一畝四分五釐同上 康熙二年保定防守擒獲強盜劉三等十餘名械送京師斬之

同上

康熙八年移巡撫駐節保定府為直隸巡撫改通薊道副使丁

思孔為保定守道霸易道余事董秉忠為保定巡道同上

改大甯都司學為保定府左衛學文獻通考 皇朝

康熙十九年秋八月知府紀宏謨郡人郭榮重纂保定府志成

序志

康熙二十六年令府州縣學置樂舞生會典

康熙三十二年裁衛武學訓導通典 皇朝

康熙三十八年初設管理清河河道據碑

康熙五十四年以巡撫兼總督銜尋改為巡撫文獻通考 皇朝

雍正二年改直隸巡撫為總督即以李汝鈞坐升改錢穀守道

為布政使刑名巡道為按察使雍正通志

保定府志 卷三十九 前事錄 紀事 古

詔府州縣建先農壇於東郊并置藉田會典

雍正三年

詔府州縣建忠義節孝二祠同上

乾隆二十四年總督方觀承奉

勅重建府城隍廟

御賜額聯禮典

嘉慶十八年官軍勦平教匪過境閭閻安堵採訪冊

道光七年總督郡彥成重修府學同上

咸豐三年總督訥爾經額修城濬池同上

秋七月磨崖山土寇嘯聚官軍勦平之唐縣志

咸豐十年總督桂良建府城四關土城採訪冊 同治六年八月馬匪肆擾出沒無定官軍跟蹤勦捕尋聚藏同上

同治七年正月捻匪張總恩自豫省北竄陷祁州紳民男婦遇害者二千餘人清苑滿城蠡縣束鹿安州高陽各境內均被焚掠

同治十年總督李鴻章濬府河徐河修城垣

同治十一年總督李鴻章重修忠烈祠

光緒四年春饑夏疫總督李鴻章設法撫卹派郡人吳建勳總理其事以上俱採訪冊

保定府志

卷三十九

前事錄 紀事

五

保定府志卷四十

前事錄二 祥異

祥異

後漢

初平元年鎮星熒惑太白合於尾後漢書天文志

三國 魏

黃初三年七月大蝗魏志

景初元年九月淫雨水出沒溺人漂失財產滿城縣志

百

泰始四年七月大水傷秋稼壞屋室有死者蠡縣志

月蝗清苑縣志

咸寧五年春三月隕霜殺桑麥雄縣志

保定府志

卷四十

前事錄 祥異

一

太康元年四月范陽雨雹晉書五行志 六年三月高陽北新城隕

霜傷桑麥同上

光熙元年五月范陽國地燃可以爨同上

永嘉四年五月大蝗草木牛馬毛鬣皆盡滿城縣志

建興四年秋七月大旱螽蝗高陽縣志

永昌二年十二月幽冀并三州大雨五行志

太寧元年十二月大雪新城縣志

永和三年八月大雪人馬多凍死高陽縣志

北魏

泰延四年十一月地震滿城縣志

延興三年大旱清苑縣志 四年九月丙辰暴風拔樹滿城縣志

北齊

天保八年河北六州蝗五代史志 十年蝗新城縣志

隋

仁壽二年大水蒲城縣志 四年八月高陽柳樹無故枯落既而枝

葉復生高陽縣志

按五代史志河間柳樹無故枯落據此則與高陽無涉或
以高陽屬河間郡故也又按安州在隋爲高陽河間二縣
地今宜載入特以高陽志改
河間字作高陽字爲多事耳

大業四年道殣相望蠡縣志 五年饑 十年蝗俱同

唐

貞觀四年大有年新城縣志 二十一年八月大水蠡縣志

永隆二年八月大水壞民居十餘萬家舊唐書

神龍元年六月河北十七州大水新唐書

開元三年夏大水七月蝗蠡縣志 十二年七月旱定興縣志

保定府志 卷四十 前事錄 祥異

二

天寶九載五星聚於尾箕新唐書

大曆十二年東鹿地裂數丈沙石隨水流出平地壞廬舍壓死

者數百人新唐書 十四年深州東鹿縣中有水影長七八尺

遙望有人馬往來如在水中同上

建中元年幽鎮魏博大雨易水渟沱橫流轉石折樹禾稼蕩盡

新唐書

貞元元年春大飢米斗千錢安州志

元和元年蝗高陽縣志

長慶三年夏積水爲池舊志

太和四年饑高陽縣志

開成三年大蝗草木葉皆盡蠡縣志

乾符三年六月雄州地震至七月辛巳止州城廬舍盡壞地陷

水湧傷死者甚眾新唐書 四年六月庚寅地震同上

五代

唐天祐十八年冬大雪彌旬平地深數尺定興縣志

明宗天成二年有年斗粟十錢清苑縣志

晉開運三年大饑高陽縣志

周廣順二年大水清苑縣志

宋

建隆三年大旱高陽縣志 五年嘉禾生蒲城縣志

開寶八年大水壞民廬舍同上

太平興國七年十月雄州實信院竹叢生芝草僧致仁采之復

生悉以獻宋史 五年七月濱河漲溢圯州城壞軍營民舍

百區祁州志 易水漲溢壞民廬雄縣志

保定府志 卷四十 前事錄 祥異

三

清化二年唐河水溢壞民廬雄縣志

咸平元年九月定州北平等縣風雹傷稼五行 五年二月雄

州水壞民田五行

景德三年雄縣安肅饑舊志

大中祥符元年七月雄州甲仗庫火五行 九年六月蝻蝗生

蠡縣志

乾興六年七月保定諸州大水安州志 八年九月雄州界河泛

溢五行

天聖六年五月蝗八月水高陽縣志

嘉祐二年夏四月地大震壞城郭覆壓死者數萬人清苑縣志

熙寧元年夏地震望都縣志 秋七月大雨水深三丈同上 五年六

月蝗安州志 七年春夏旱又蝗蠡縣志 六年保塞縣禾七木間

一隴或兩隴合穗五行志

元豐五年安肅軍禾異畝同穎同上

元祐八年秋八月水高陽縣志

紹聖元年博野縣麥一本五穗五行志

元符元年永甯軍禾合穗同上

崇寧元年蝗高陽縣志 三年四年飛蝗蔽日同上

宣和四年夏四月白虹貫日同上 雄州地大震有龜如錢蛇若

殊漆筋相逐而行五行志 五年馬生兩角長三寸四足皆生距

舊志

遼

會同四年大熟新城縣志

應歷十二年旱苗焦定興縣志

保定府志 卷四十 前事錄 祥異

統和二十六年大有年斗米錢八文同上

清寧二年夏四月地震同上

保大二年五月地震同上

金

天眷二年春二月大雪是歲大蝗定興縣志

皇統二年三月大雪蠡縣志 秋大熟清苑縣志

大定三年四年蝗舊志 十六年旱同上 十七年七月大雨滹沱

水溢河決白溝金史五 二十二年五月慶都蝗蝻生一夕大

風蝗皆不見同上

泰和八年四月雨雹舊志

大安三年三月旱蠡縣志

崇慶二年大饑斗米八千錢同上

天興元年夏五月大寒如冬金史五

元

至元三年饑望都縣志 五年六月雨雹唐縣志 六年保定等路水

行志元史五 七年八月霖雨清苑縣志 十六年大旱 十八年清苑

縣水五行志 二十一年六月保定大水五行志 二十三年河水

泛溢損官民田發軍民築河隄禦之清苑縣志 二十五年淫雨害稼

五行 野蠶成蠶絲可爲帛唐縣志 二十六年保定郡大雨雹

五行 十二月蠡州饑同上 二十七年四月定興縣饑同上 秋

地震易水溢田廬漂沒同上

元貞二年六月葛城歸信新安束鹿等縣水五行志 九年蝗清苑縣志

大德四年五月保定水五行志 五年五月保定水同上 六年饑

保定府志 卷四十 前事錄 祥異

定興 十年四月保定郡蝗五行志 五月雄州水同上 六月滿

城清苑雨水同上 十一年六月容城束鹿新城等縣水舊志

至大元年六月蝗舊志 二年八月蝗定興縣志 四年七月大水舊志

皇慶二年夏六月地震者再定興縣志 九月民多疾疫大饑同上

延祐元年范陽等縣河溢壞民田四百九十餘頃五行志 四年

五月歸信縣霜同上 六年夏滿城大雨雹清苑縣志

至治元年大水民饑定興縣志 二年保定路饑五行志 三年五月

定興縣霖雨害稼同上 歸信縣蝗同上

泰定元年七月大雨水五十餘日害稼五行志 二年閏正月饑

禁釀酒同上 三年閏正月歸信縣大水同上 大饑雄縣志 六月

蝗清苑縣志 七月滿城慶都等縣蝗五行志 八月蠡州水同上

致和元年饑同上

天歷二年大水靈縣志

至順元年蝗聞七月大水清苑縣志 二年二月蠶州蟲夜食桑蠶

匿土中人莫捕之五志 五月博野蟲食桑既上

元統二年冬滿城饑舊志 三年八月地震定興縣志 五年保定路

殍死盈道滿城縣志

至正十九年淫雨害稼飛蝗蔽天民大饑疫高陽縣志 二十六年

十二月饑滿城縣志

明 洪武二年六月保定蝗明史五行志 三年高河決城圯高陽縣志 十

七年楊村河決同上

永樂五年保定饑五行志 十年十二月安州水決同上 十一年

野蠶成蠶東鹿縣志 十四年白溝河決舊志 十五年大有年新城縣志

保定府志

卷四十

前事錄 祥異

六

洪熙元年七月容城白溝河漲傷禾稼五行志

宣德六年六月大水同上

正統元年閏六月大水同上 四年大蝗同上 八月白溝渾河二

水溢決保定安州隄同上 六年夏蝗同上

景泰元年二年保定饑同上 四年七月大水清苑縣志 六年六月

保定大水五行志 閏六月東鹿雨雹如雞子擊死鳥雀狐兔無

算上

成化六年秋旱舊志 十四年大有年清苑縣志 夏六月新安大水

新安 二十年大旱舊志 七月大饑清苑縣志 二十二年星隕爲

石東鹿縣志 麥大熟清苑縣志 二十三年大水傷禾稼同上 二十五

年野蠶成蠶民取爲絹勝於常產祁州志

宏治二年夏六月大水定興縣志 四年容城張紹先妻劉氏見空

中一人逐紅竿自南而北行甚急紹先質於陰陽家曰當有火

災邑自臘月至次年二月火災頻見傳爲異事曰空中紅竿容城縣志

七年保定饑五行志 十八年五月河渠池沼悉震增高數

尺久之乃定新安志

正德六年六月大水傷稼清苑縣志 七年夏黑青見其形黑小金

眼狀若大過者眩迷至秋方息同上 八年春亢旱二麥盡枯同上

保定饑五行志 九年七月淫雨傷稼舊志 十二年五月安肅

大雨雹平地水深三尺傷禾民有擊死者五行志 六月大水陸

地通舟清苑縣志 保定府饑五行志 人相食祁州志 十三年十月星

隕爲石雄縣志 大瘟疫祁州志

嘉靖元年雨雹如拳大風拔木同上 二年夏黃風大起飛沙蔽

天日晝昏大無麥禾清苑縣志 三年六月保定蝗 四年春風霾

保定府志

卷四十

前事錄 祥異

七

竟日天地晦暝同上 秋大水新安志 五年五月滿城雨雹 七

年黃霧四塞同上 十九年下叔邨雷擊不孝男婦劉義妻冉氏完縣志

志 安肅麥秀雙歧聖瑞亭記 十二年八月大雨雹清苑縣志 十月

星隕如雨同上 十三年大雨河水泛溢同上 十四年夏蝗同上

十六年春麥痺清苑縣志 十七年春牧童望野有人刺舟而行是

年秋大水東鹿縣志 十八年夏風雨暴作六里邨民舍悉傾人畜

壓死無算新安志 五月慶都安肅雨冰雹大如拳平地五寸人

有死傷者五行志 二十年大饑新城縣志 二十四年春旱秋斗米

銀三錢清苑縣志 夏鼃見大雨中自天隕下大徑尺完縣志 二十

六年春旱秋大熟清苑縣志 二十七年七月保定府地震五行志

二十九年春三月大風拔木黃沙蔽空晝晦如夜同上 三十二

年春大饑人相食滿城縣志 夏大雨壞民田廬人畜死者無算清苑縣志

縣志 三十三年春大饑上 夏大水同上 三十四年三月有龍

見文廟松林中上 夏淫雨傷稼同上 三十五年大水完縣普

門村數百家漂沒無遺完縣 三十九年蝗蝻徧地害稼民大

饑滿城 四十年春大疫上 榆樹開花豔若桃李新安 保

定府早志 四十五年大雨雹瓦屋盡毀新安

隆慶二年夏五月新城隕二化爲黑石參縣志 三年閏六

月大水志 淳沱溢城圯東鹿 五年六月一畝河泛溢入

郡城天水橋圯志 安州新安雄縣大水沒禾同上

萬歷四年夏淫雨大水志 六年七月滿城大風雹傷禾稼

五行 八月祁州大雨雹傷損禾稼同上 九年夏四月滿城蠶

縣雄縣新城地震志 十年夏四月地震雄縣 十一年夏四

月地震縣志 十二年雄縣地震志 十三年秋大雨雹雄縣

保定府志 卷四十 前事錄 祥異 八

十四年夏旱大疫定興 七月雨雹容城 十九年冬天鼓

鳴縣志 十二月地震同上 二十年春蝗舊 三十年春正月

地震有聲志 完縣 三月中再震同上 三十一年五月安州水溢

決隄橫流志 五行 祁州水圯城同上 三十二年夏六月山水泛

溢壞民田志 滿城 七月保定大水淪男婦無算 三十三年夏

雨雹大如拳傷二麥祁州 蝗黑小如蟻容城 三十四年春

旱同上 夏秋蝗同上 六月大雨滹沱河溢午夜入城水深數尺

官衙民室浸淪傾圮縣志 東鹿 三十五年夏淫雨兩月餘城垣民

舍坍塌殆盡田禾被傷志 義縣 三十七年七月雷擊石塚邨不

孝男賀金志 安州 三十九年六月十三日夜怪風陡作暴雨如

注四晝夜不休平地水深數尺九河泛漲諸隄俱決同上 四十

年秋客舟泊定興楊邨忽烈風起拔舟去岸百餘步舟碎而人

不傷新安榆樹開花豔若桃李是年人災舊 四十三年春夏

大旱民聚眾搶掠七月始雨同上 四十五年旱蝗五行 四十

六年春三月風雪異常行人有凍死者舊 夏六月秋七月九

月地凡三震同上 四十七年春二月十九日未刻西南風起大

木摧折日晦如夜至酉時氣變而爲紅初更乃定縣志 定興

泰昌元年冬十一月暴風驟雪行人死者甚眾容城

天啟二年淳沱河大決祁州東鹿壞官舍民居悉沒於水舊

三年地震房屋倒塌壓死居民甚多月餘乃止志 完縣 四年春

二月新安地震志 夏定興蟲食苗葉盡化爲白蛾紛飛蔽天

閱十餘日同上 五年夏四月雨雹大風拔木傷麥滿城 秋七

月田間黑鼠成羣食禾殆盡雄縣 六年夏五月初四日夜地

大震縣志 六月地大震逾四十日民居毀半唐縣 閏六月

保定府志 卷四十 前事錄 祥異 九

朔大水漂沒民舍望都 天鼓鳴星隕入地掘土得之質堅而

色黑縣志 安肅 七月飛蝗蔽天雄縣 七年蝗春麥秋禾殆盡容

崇禎元年春大旱至六月二十一日始雨縣志 定興 三年春三月

風霾晝晦滿城 夏五月大風雹屋瓦掀飛同上 六月蟲傷禾

稼縣志 五年大風雨拔木志 義縣 六年秋九月地震同上 七

年秋七月初六日夜大風次日蟲生食苗幾盡縣志 定興 九年夏

五月定興容城南雹大如瓶益行人死傷甚眾志 六月地震

新安田家莊槐樹開雞冠花同上 六月雷擊慈雲閣左鴟吻定

縣 十年秋飛蝗蔽天遺子復生同上 十一年春二月葛洪山

崩地湧血唐縣 氏家產一豬兩頭東鹿 十三年夏旱風霾

竟日諸河水涸容城飛蝗蔽天東鹿城東地裂長三十餘丈闊

尺許深不可測後乃漸合舊志 十四年春大饑斗麥銀一兩二

錢高陽縣志 十五年春二月黃塵四塞唐縣志 夏六月大旱大風

晝晦如夜舊志 十六年春正月雪片大如拳晝晦新安志 大疫

容城志 辰星入月同上 十七年春三月唐縣星隕大如輪東鹿

西關民家產豬六七有三隻人手者舊志

國朝

順治元年秋大瘟定興縣志 二年秋大熟滿城縣志 四年秋七月蝗

縣志 五年春三月蟬如蠅一夕為風飄去同上 夏五月大雨

雹安州河溢隄決城外水深丈餘田廬漂沒舊志 六年安州雄

縣河溢同上 九年夏六月有雲霧自五龍宮出在亞谷城橋西

龍自雲中取水覆數舟大風雨拔木龍向王家房去毀三義廟

昭烈桓侯皆置廟門外惟帝君不動雄縣志 十年夏六月淫雨

保定府志 卷四十 前事錄 祥異 十

渾河決禾稼盡淪同上 十一年饑斗米錢一千二百文定興縣志

十三年夏五月大蝗同上 十四年秋七月大水容城縣志 十五年

春正月己亥地震新城縣志 十六年夏五月雨雹大如拳唐縣志

十七年大水完縣志

康熙元年夏麥大熟滿城縣志 二年秋七月大水雄縣志 四年新

城容城唐縣地震舊志 七月大雨房屋多壞同上 五年七月淫

雨月餘安州隄決大水害稼同上 十月李家莊民李奉善妻產

二男一女唐縣志 六年三月初二日雄縣地震舊志 六月雄縣

新城安州大水隄決禾稼被淪同上 七年四月初七日地震雄縣志

志 六月十七日滿城雄縣地復震舊志 七月淫雨河水泛溢

民室坍塌禾稼無成同上 八年夏五月雨雹傷麥定興縣志 秋七

月浪兒淀水溢居民有衝沒者舊志 九年大有年同上 小王邨

地生芝形如乳鱗文如牡丹博野縣志 十年七月地震有聲如雷

大風拔文廟及州署大樹安州縣志 十一年渾河徙霸州境東去

縣志 十五年大有年滿城縣志 十六年雪深三尺是年大熟新安縣志

十八年七月二十八日地震有聲從西北來一刻始止二

十九日三十日夜復微震同上 新城完縣雄縣安州高陽新安

諸邑地震有倒塌城樓炮臺窩舖塚口及官舍民房之處舊志

十九年春夏旱同上 二十七年民間呈送嘉穀雙穗者十四本

清苑志 三十一年正月初一日城隍廟災祁州志 三十九年秋

飛蝗傷稼舊志 四十二年五月麥將熟徧生黑蟲似蠶而小嘴

傷二麥祁州志 四十三年大旱滿城縣志 四十五年大有年同上

五十年三月二十八日大風拔木南城樓崩祁州志 五十四年

秋大水定興縣志 五十九年六月初八日地震容城縣志 六十一年

保定府志 卷四十 前事錄 祥異 十

春夏大旱六月二十日始雨歲歉斗米千錢祁州志 秋七月大

雷雨州東桃柳楊樹兩株大幾合圍烏雲一過樹皆拔去碎枝

滿地木絲皆揉如亂麻同上

雍正三年雨六十日歲歉定興縣志 四年夏麥大熟同上 八年八

月十九日地震新安縣志 十二年三月大風赤沙掩日白晝如晦

祁州

乾隆二年春夏旱定興縣志 六月十三日霖雨連日害稼河水泛

溢近河郵莊多被淹沒祁州志 三年春夏旱秋復大雨禾稼生

蟲同上 大水田房多壞望都縣志 十一月地震容城縣志 十五年六

月二十九日大雨連日河水漲發祁州志 十月趙家莊吳自和

妻常氏一產三男望都縣志 十六年七月蟬蝗傷禾同上 十八年

五月初五日雨雹大如雞子木葉脫落殆盡同上 十九年大有

年同 二十年麥豐稔同上 二十四年春夏大旱容城縣志 閏六

月二十四日始雨定興縣志 二十七年夏秋大水同上 二十八年

秋蝗同上 二十九年蝗同上 三十三年夏秋大水安肅縣志 三十

四年夏大旱十月初一日大雷定興縣志 三十五年夏秋大水安肅縣志

縣志 水沒田廬望都縣志 三十八年六月熱甚多喝死者夜

北方有紅氣遮天新城縣志 四十一年大有年斗麥百錢同上 四

十三年春夏大旱定興縣志 五十七年大旱新城縣志 五十九年有

星其光似燈有聲如雷自西北起曳至東南採訪 大水饑荒清縣志

嘉慶六年六月大水安州尤甚同上 七年飛蝗傷稼 八年新

城麥雙歧 十二年十三年十四年俱水 十八年大旱 十

九年八月霜傷稼 二十二年八月霜歲饑 二十三年四月

保定府志 卷四十 前事錄 祥異 主

初二日雨土二寸許初八日風霾大作損禾稼以上俱採訪

道光元年二年夏秋大疫死者甚眾 三年大雨 四年蝗

蝻生 六年大熟 七年旱安州雨雹 八年正月初二日雷

鳴 十年閏四月地震 十一年四月十九日地震冬大寒井

冰 十二年大旱七月十五日始雨 十四年秋大水 十七

年冬雨水桃杏生花 十九年春夏多風無雨二麥枯乾 秋

七月大雨如注河水漲溢秋禾淹沒 二十五年旱六月初一

日始雨以上俱採訪

咸豐四年春有火光自西至北 五年夏四月大風拔木 六

年秋飛蝗蔽天 十月蝻孽生嚙麥苗 七年夏秋蝻蝗迭生

食稼殆盡 八年秋蝗 十一年八月初一日日月合璧五星

同治元年麥稔 秋瘟疫 二年歲大熟 七年春大雪 十

年春無麥秋雨霖大水 十一年夏清苑麥雙歧以上俱採訪

光緒元年冬無雪 二年春夏旱 四年春夏饑大疫斃者甚

多 六年麥稔秋大熟 八年十月二十二日未刻地震 九

年麥有秋以上俱採訪

保定府志 卷四十 前事錄 祥異 主

初一日雨土二寸許初八日風霾大作損禾稼以上俱採訪

道光元年二年夏秋大疫死者甚眾 三年大雨 四年蝗

蝻生 六年大熟 七年旱安州雨雹 八年正月初二日雷

鳴 十年閏四月地震 十一年四月十九日地震冬大寒井

冰 十二年大旱七月十五日始雨 十四年秋大水 十七

年冬雨水桃杏生花 十九年春夏多風無雨二麥枯乾 秋

七月大雨如注河水漲溢秋禾淹沒 二十五年旱六月初一

日始雨以上俱採訪

咸豐四年春有火光自西至北 五年夏四月大風拔木 六

年秋飛蝗蔽天 十月蝻孽生嚙麥苗 七年夏秋蝻蝗迭生

食稼殆盡 八年秋蝗 十一年八月初一日日月合璧五星

聯珠以上俱採訪

保定府志卷四十一

古蹟錄一舊城堡

舊城堡諸遺址附

樊輿故城在清苑縣東南今呼爲御城舊志漢元朔五年封中山靖王子修爲侯國屬涿郡後漢省後魏太和中復置改曰扶輿

屬高陽郡北齊省入永寧一統志易水又逕樊輿縣故城北地理風俗記曰北新城縣東二十里有樊輿亭故縣也水經樊輿

廢城在今縣東南三十五里一名隅城舊志

按統志水經注樊輿城在北新城東容城西應在今清苑東北安肅縣東界與寰宇記不合又魏書地形志晉復置樊輿屬高陽國後罷今晉志無此縣蓋失載耳後魏既改

扶輿而隋志仍曰樊輿疑後魏時又嘗復故名也考今清苑縣東南三十五里即樊輿城與寰宇記合疑水經注有錯簡河在村西五里即樊輿城與寰宇記合疑水經注有錯簡

廣望故城在清苑縣西南漢元朔二年封中山靖王子忠爲侯

保定府志

卷四十一 古蹟錄 舊遺址

國屬涿郡後漢省通志博水東逕廣望故城北水經故城在縣

西南五十里寰宇記

按清苑縣志王莽城在縣東南四十里遺址尙存或廣望之說也惟與寰宇記不合候考

樂鄉故城在清苑縣東南舊志高帝十年過趙問樂毅後得其孫

叔封之樂鄉號曰華成君漢書濡水東經樂城南水經後魏始

置樂鄉縣屬高陽郡北齊省入永寧一統志故城在今縣東南

三十里寰宇記樂鄉城府南二十七里本漢信都國屬縣後漢省

後魏僑置於此屬高陽郡方輿

按統志魏書地形志樂鄉縣注云前漢屬信都郡後漢罷晉復置漢時信都爲今冀州與今縣相距三百餘里其界不能至此又考水經注信都之樂鄉縣在下博縣東不云

樂鄉所封其地在今深州界蓋漢時信都之縣與樂鄉之邑本爲一地樂鄉雖有封邑未嘗置縣也魏志

混二爲一舊唐書地理志寰宇記皆仍其說誤

清苑故城今清苑縣治大清故城在今縣東北七里清苑高

陽郡領清苑縣太和元年分新城置魏書地形志河間郡清苑縣舊

曰樂鄉後齊省樊輿北新城清苑樂鄉入永寧改名焉開皇十

八年改爲清苑五代史志縣本樂鄉高齊天保七年自滿城界移永

寧縣理此隋改清苑因縣界清苑河爲名寰宇記

按五代史志本謂北齊改永寧爲樂鄉寰宇記則似改樂鄉爲永寧天保二說不合

北平故城在滿城縣北漢置屬中山國後魏分置永樂後周省

改北平曰永樂通志滿城縣東北至易州一百四里本漢北平

縣屬中山國高祖以張蒼爲北平侯後漢世祖追銅馬五幡賊

於北平破之卽此後魏於此置永樂縣天寶元年改爲滿城以

縣北故滿城爲名元和漢故城在縣西二里眺山下明初廢爲

柴炭廠滿城縣志

古滿城在縣東北十里滿城縣志

保定府志

卷四十一 古蹟錄 舊

永樂故城在滿城縣西北魚條山下後魏興和二年置屬樂浪

郡北齊屬昌黎郡後周移治北平故縣而此城廢大清

北新城故城在安肅縣西南二十里漢置闕駟曰河間有新

故此加北後魏去北字北齊仍曰北新城尋省入清苑同上

遂城故城在安肅縣西舊志今爲遂縣村在縣西二十五里安肅

趙悼襄王二年李牧攻燕拔武遂方城史記南營州永熙二年置

寄治英雄城魏書地形志縣北至易州七十里元和遂城縣今理益

山村寰宇記劉昫曰遂城卽後魏永熙中所置新昌縣也五代時

亦爲遂城縣周復三關此爲沿邊要地太平興國六年於梁門

皆置靜戎軍於遂城縣置威鹵軍時號銅梁門鐵遂城言其險

固也方輿後魏孝武以韓瓚爲營州刺史行達此城值盧曹攜